

# Сталинец

ВКП(б)-лэн Удмуртской АССР-ысь Иж райномезлэн но райсоветлэн органы.

6-тй арзэ потэ. № 75 (669) 1 сентябрь 1940 ар Дуныз 5 коп.

## Трудящейся егит'ёслэн международной солидарностьсылэн нуналэз

1 сентябре 1940 арын быдэс дуннеысь трудящейся егит'ёс Егит'ёслэсь 26-тй Международной нуналэз пус'ё выль империалистической войнаэн условносоз.

Кыктэтй империалистической война охватывать каре выль но выль странаосты. Война аслаз орбитаз кыскиз ини муз'ем шар вылысь жыныезлэсь но трос калыкез, нош пумыз солэн уг на адскы.

Калык'ёслэн сяськазы — трудящейся егит'ёс — асьсэлэн атайёсынызы но старшой брат'ёсынызы огазын сюр'ёсын быро сражениослэн бусьосазы трудящейся чуждой уж понна.

Военной ситуациен пользоваться кариськыса, «национальной интерес'ёслэн» лозунг'ёсынызы спекулировать карыса, империалистической правительствоос вузаськем социал-демокритической своралэн юрттэменыз трудящейся массаослэн жизненной интерес'ёсы вылэ паськыт наступление нуо.

Фабрик'ёсын но завод'ёсын, чугуна сюрес'ёсын, школаосын кузь каро сотэк но кузесь ужан нунал'ёсты, со пöлын ик егит'ёс но пинал'ёс понна; егит'ёс но пинал'ёс понна принудительной уж сярсь нимысьтыз декрет'ёс кутэмын, пичи уждун понна яке чик дунтэк сверхурочной уж'ёс будо; будо непосильной налог'ёс. Егит'ёс но ныл'ёс гинэ өвёл, сюресэн ляд'яскысь 10—11 арес'ем пинал'ёс капиталистической странаосын нищенской уждун понна ужано луо суткалы 10—12 час но солэсь но трос.

Нуналлы быдэ сю миллион'ёсын ляд'яскысь трудящейся куляськонзы но страданызы будо. Нош со понна капиталист'ёслэн, банкир'ёслэн, пушкаослэн но самолет'ёслэн корольёсылэн хищнической своразылэн миллион'ёсын ляд'яскысь прибыл'ёсы будо.

Социал-демократической лагерысь предательёслэн куалектыса супылтон'ёсы но буржуазной печатлэн бадзым шовинистическоя пропагандаез шоры учкытэк, капиталистической странаосысь егит'ёс эшшо но тросгес валан кутско, что буржуазия öречка сое озы ик, кызы ке öречкаллыз соослэсь атайёссэс 1914—1918 ар'ёсын.

Егит пиос но ныл'ёс адзо, кызы капиталистической хищник'ёслэн кучказы войнаын наживать каре миллионной состояниез, нош рабочийёслэн но крестьян'ёслэн семьяоссы курадзо урод улонь но сютэм улонь. Соос адзо, кызы капиталист'ёс запрещать каро но куашкато организациосты, кудаз рабочий класс но трудящейся егит'ёс нюр'яскылызы асьсэлэсь улонзэс умятон понна. Трудящейся егит'ёс реакцилэн наступлениезлы пумит нюр'ясконэ, империалистической бойняез дугдытон понна нюр'ясконэ жутско. Котькуд нуналэ рабочей, крестьянской, дышеткись егит'ёслэн пумын трос массаосы, и даже егит'ёс, куд'ёсыз мелкобуржуазной среда пöлысь потэмын, мозмытско öречкаськон'ёслэсь, куд'

ёсыныз соосты шүзимытылыз империалистической пропаганда.

Пырак мукет условиосын праздновать каре Егит'ёслэсь Международной нуналзэс социализмлэн странаысьтыз егит'ёс. Советской правительстволэн внешней политикаезлэн выль синмаськымон вормон'ёсыз, СССР-лэн международной авторитетэзлэн будзез, Советской Союзын юношеской нуналлэсь праздникэ каро нимысьтыз ик шумпотымон, шудоен, шундыёен.

Та берло ар чоже гинэ мирлэн мудрой сталинской политикаез капитализмлэн зйбет улысьтыз мозмытыны юрттйз 23 миллион адымиосты. Западной Украинаысь но Белоруссияысь, Бессарабияысь но Северной Буковинаысь, Литваысь, Латвияысь но Эстонияысь егит'ёс туэ нырысьсэ праздновать карозы та праздникез эрикын но шумпотыса.

Асьмелэн партимы но правительствомы вискарятэк сюлмаське Советской егит'ёс сярсь. Но со отвечать каре солы социалистической строительстволэн котькуд участказ честно, самоотверженно, героической уж'ёсыныз.

Ужан дисциплинаез кулээ'я юнматон, ужлэсь азинлыкэс жутон, промышленностьлэн, транспортлэн, земледелилэн вань отрасл'ёсызлэсь производствозэс будэтэн, СССР-лэсь оборонной но хозяйственной кужымзэ жутон — сыче главной задача, кудйз сылэ комсомол но советской егит'ёс азын, кудйзлы сокем трос сётэ асьмелэн родинамы.

## Наркоминделын

Туэ 19 августэ иностранной уж'ёс'я Народной Комиссарлэн заместителеныз В. Г. Деканозов эшен Москваысь румынской посланниклы Гафенку г-лы сётэмын вал советско-румынской граница вылын румынской войсковой частьёс ласянь провокационной дейвиослы пумит протестэн нота. Соку нотаын возматэмын вал румынской войсковой частьёс ласянь советской пограничной частьёсты ыбылонэз азылань лезэнтэм вылэ, куд'ёсызлы советской пограничник'ёс нимаз учыр'ёсы ответной ыбылон лэсьтыны кутсконо луылызы.

Иностранной уж'ёс'я Наркомлэн заместителез В. Г. Деканозов эш румынской посланникез Гафенку г-нэз 29-тй августэ дораз öтйз но нош ик солы сётйз протестлэсь нотаэз, кызы ке румынской пограничной войсковой частьёслэн советской граница вылын тушмоно выль дейвиоссылы пумит, озы ик румынской военной самолет'ёслэн советской граница вамен выжылэм данак случайёслы пумит. 29 августэ сётэм советской нотаын шуиське, что зэм, советской сторона вылын бырем'ёс, яке сөсырем'ёс өвёл, нош сыче жертваос луизы ке, то уж серьезной луса кошкоз. Румынской войсковой частьёслэн но военной самолет'ёслэн вылы возматэм дейвиоссылэсь луыны быгатйсь последствиос понна вань от-



## Дано мед луоз Егит'ёслэн XXVI Международной нуналзы!

Суредзэ В. Барковлэн но В. Лисевичлэн. ТАСС-лэн фото-клишеез

## Международной событиослэн обзорзы

Омырын англо-германской война туж паськыт вöлмиз. Немец'ёс Англиз атаковать каро солэн быдэс пространствойз, сутка чоже одйг со объект'ёс'я ик трос пол удар лэсьтыса. Кызы ивортэ американской печатэ, Дувр но Кент графстволэн ярдур'ёсыз 28 августэ туж зол бомбардировать каремын вал нуназе но уйин 29 августэ чукнаозь. Со нуналэ ик бадзым налет лэсьтэмын вал Лондон вылэ но. Со сярсь возматэ кужме трос пуштылон'ёс, авиационной мотор'ёс-

лэн чашэтэмзы, пожарной машинаослэн мыдмыдлань туж зол ветлэмзы.

Английской авиация дейвиосызлэсь районзэ паськытатйз Со али центральной Германилэн город'ёсыз дорозы вуэ. 29 августэ уй чоже Берлинлэн жилой квартал'ёсыз но предместьез вылэ бомбардировщик'ёс зажигательной но фугасной бомбаос куштылызы. Гражданской калык'ёс пöлын трос бырем'ёс.

Та дыре өвёл на даннойёс вераны та матысь дыре Германилэн Англие вторгнуться кариськон'ёсыз сярсь. Озы ке но сое вэзмало. Американской печатын со сярсь ивор'ёс потало, что английской правительство дасяськон уж'ёсты нуэ кулэ луон учыре Торонтоэз (Канада) Британской империлэн сголицаньз каронлы. Со дыре ик инты бырийське королевской семьялы, военной, морской, колонилэн но доминион'ёслэн министерствослы.

Америкалэн Англилы юрттэтэз пумын паськыта. Куд-огез зарубежной обозревательёс ляд'яло, что Соединенной Штат'ёс туж жоғ мыно мировой войнае пырыскон сюрестй. Та нунал'ёсын США-лэн сенатэз но представительёсызлэн палатазылэн комиссиез одобрить каризы США-ын обязательной воинской повинностез пыртон сярсь законопроектэз.

Англилэн Францилы пумит трос пумо враждебной акт'ёсыз луэмен сэрэн (морской блокада, де-Голльлэн незаконной правительствоеныз герзаськонэз возён (де-Голль Англие пегзём французской генерал) англо-французской отношениос пумын уродмо. Де-Голль кылдытэ француз'ёслэсь армия, куд'ёсыз мылкыд каро Германилы пумит нюр'ясконэз нуыны. Кемалась ик өвёл Чад (экваториальной Африка) французской колонияын восстать кариз французской военной часть но де-Голль генералэн герзаськиз. Восстать карисьёс английской военной кужым'ёсын огазе луизы.

(ТАСС).

